

四庫全書

集部

欽定四庫全書

集部

御定佩文齋詠物詩選卷二百二十一

詳校官侍郎臣李封

主事銜臣徐以坤覆勘

總校官檢討臣何思鈞

校對官中書臣楊世綸

謄錄監生臣張德璣

欽定四庫全書

御定佩文齋詠物詩選卷一百二十七

樵類

五言古

樵父詞

唐儲光羲

山北饒朽木山南多枯枝
枯枝作採薪爨室私自知
詰朝礪斧尋視暮行歌歸
先雪隱薜荔迎暄卧茅茨
清澗日濯足喬林時曝衣
終年登險阻不復憂安危
蕩漾與

神遊莫知是與非

樵人十詠

錄六

唐陸龜蒙

樵谿

山高谿且深蒼蒼但羣木抽條欲千尺衆亦疑樸檄一
朝蒙剪伐萬古辭林蘿若遇燎圓穹微煙出雲族

樵家

草木黃落時比鄰見相喜當門清澗盡屋在寒雲裏山
棚日繞下野竈煙初起所謂順天民唐堯亦如此

樵子

生在蒼崖邊能諳白雲養
纔穿遠林去已在孤峰上薪
和野花東步帶山詞唱日暮不歸來
柴扉有人望

樵擔

輕無斗儲價重則筋力絕欲下半巖時
憂襟兩如結風高勢還却雪厚疑中折
負荷誠獨難移之贈來哲

樵風

朝隨早潮去暮帶殘陽返向背得清颺相隨無近遠採

山一何遲服道常苦蹇仙術信能為年華未將晚

樵歌

縱調為野吟徐徐下雲磴固知負樵樂不減援琴興出
林方自轉隔水猶相應但取天壤情何求郢人稱

奉和樵人十詠

錄四

唐皮日休

樵溪

何時有此谿應便生幽木橡實養山禽藤花蒙澗鹿不
止產蒸薪願當歌棫樸君知天意無以此安吾族

樵家

空山最深處太古兩三家雲蘿共夙世猿鳥同生涯
衣服濯春泉盤餐烹野花居茲老復老不解歎年華

樵徑

蒙龍中一徑繞在千峯裏歇處遇松根危中值石齒花
穿枲衣落雲拂芒鞋起自古行此途不聞顛與墜

樵風

野船渡樵客來往平波中縱橫清颺吹旦暮歸期同蘋

花惹衣白蓮影滴新紅吾意請封爾直作鏡湖公

山中

元于石

我家萬山中日日採樵去捫蘿上層巔苔滑不留屢落
日負樵歸雲深失歸路誰家犬吠聲聲在雲深處

下嶺樵歌

明許繼

石磴緣蒼蒼負薪下層峭歌聲相應發山木閃殘照近
驚幽谷響遠答清猿嘯欸乃江上音煙波豈同調

題畫

明鑄泰

千峰落日陰閃閃鴉飛盡隔樹暗鳴泉蒼茫路難認何處遠歸樵山花紅插鬢

訪樵者

明孫一元

遠尋山中樵不識山中路隔林伐木聲遙意林深處不晤竟空歸日墮西陵樹

贈山陰陳海樵

明王問

十年製一斧三日採一薪白石自堪煮赤松為爾鄰入市當問卜移家非避秦獨乘遼東鶴高揖謝時人

觀東薪

王問

山椒露未晞松約多樛枝林踈古苔出錯崿雲根傲坐此觀捆載落日樵腹飢歸饗秋蘿下薪濕煙火遲

七言古

附長短句

樵客吟

唐張籍

山上採樵選枯樹深處樵多出辛苦秋來野火燒櫟林枝柯已枯堪採取斧聲坎坎在幽谷採得齊梢青葛束日西待伴同下山竹擔彎彎向身曲共知路傍多虎穴

未出深林不敢歇
邨西地暗狐兔鳴
稚子叫時相應聲
採樵客莫採松與柏
松柏生枝直且堅
與君作屋成家室

樵歌

宋鄭震

上山剷山山丁
登上山嵌山山
稜層秋殘日暮歸來晚
茅檐洗脚月又明
明朝早入芙蓉城

醉樵歌

明張簡

東吳市中逢醉樵
鐵劙歌側髮飄蕭
兩肩屹屹何所負

青松一枝懸酒瓢自言華蓋峯頭住足跡踏徧人間路
學書學劍俱不成惟有飲酒得真趣管樂本是王霸才
松喬自有煙霞具手持崑崙白玉斧曾向月裏斫桂樹
月裏仙人不我嗔特令下飲洞庭春興來一吸海水盡
却把珊瑚樵作薪醒時邂逅逢王質石上看棋黃鸝立
斧柯爛盡不成仙不如一醉三千日于今老去名空在
處處題詩償酒債淋漓醉墨落人間夜夜風雷起光怪

贈醉樵

明
高啟

川釣已遭獵野耕終改圖不如山中樵醉卧誰得呼採
山不採松松花可為酒酒熟誰共斟木客為我友木客
已去空石牀舉杯向月邀吳剛借汝快斧斫大桂要令
四海增清光林風吹髮寒擁耳獨枕空尊碧巖裏此時
忘却負薪歸猛虎一聲驚不起世間萬事如浮煙看某
何必逢神仙青松化石鶴未返酒醒又是三千年

五言律

樵者

唐崔塗

入山行採薇閒剪蕙為衣避世嫌山淺逢人說姓稀有
時還獨醉何處掩衡扉莫看棋終局谿風晚待歸

六言律

冬樵

明楊慎

城闕軟紅塵遠林巒空翠嵐深丁丁鳥驚斧重霏霏雪
壓擔沈沙明東郭履跡谷響南華足音歸去自換邨酒
不湏解却貂金

七言律

雪樵

元龔璗

伊川門下已齊腰清苦誰如雪裏樵浩蕩山林行靡靡
低迷蓑笠影飄飄枯梢一夜號寒墮野菜尋春待凍消
炎手故應猶可熱高人塵覲儘無聊

樵

明朱之蕃

行歌伐木隱林中平楚高原四望通愛踏春山紫碧草
醉眠秋壑舞丹楓唯畱松柏團成蓋不許荆榛競作叢
半額夕陽歸路穩乘風破浪為誰雄

五言絕句

樵

金
李俊民

雲外山將遍人間日易斜不知換世柯爛未還家

樵歌貽盧子明

明
黃克晦

採薪入深林唱歌出幽谷樵歌非無辭辭古不可讀

六言絕句

樵

明
黎擴

窈窈徑穿林下丁丁斧徹雲間耳慣猿驚鶴怨跡窮紅

樹青山

七言絕句

樵翁

唐
蔣吉

獨入深山信脚行
慣當驅虎不曾驚
路傍花發無心看
惟見枯枝刮眼明

樵叟

唐
僧貫休

樵父貌飢帶塵土
自言一生苦寒苦
擔頭擔箇赤瓷罌
斜陽獨立膝臘鳩

樵者

宋
歐陽修

雲際依依認舊林，斷崖荒磴路難尋。
西山望見朝來雨，南澗歸時渡處深。

歲晚書事

宋
劉克莊

歲晚郊居苦寂寥，寒日高鹽路去城遙。
深深榕徑苔牆裏，忽有銀釵叫賣樵。

次松風閣韻

宋
裘萬頃

白雲殊不作俗態，流水更似知人心。
谿邊濯足谿上坐，坐上人來洗我心。

樵唱一聲秋滿林

餘杭樵歌

宋謝翹

樵斧丁丁響翠微
頰肩半脫汗身衣
因來避雨巖前洞

裹得山蜂和蜜歸

九曲樵歌

元曹文晦

瓊闕峩峩接太清
五雲洞口問長生
欲知嶺上無窮景
聽取樵歌四五聲

寄破山樵者李超無

明尹嘉賓

金華山
卷二百二十七
結隱深隨麋鹿羣上方鐘磬斷知聞空山歲晚多冰雪
若個峰頭踏凍雲

御定佩文齋詠物詩選卷二百二十七

欽定四庫全書

御定佩文齋詠物詩選卷二百二十八

漁類

四言古

酒會詩

魏嵇康

斂絃散絲遊釣九淵重流千仞惑餌者懸猗歟莊老棲
遲永年實惟龍化蕩志浩然

江郊

宋蘇軾

江郊葱曬雲水蒨綺磗岸斗入洄潭輪轉先生悅之布
席閒燕初日下照潛鱗俯見意釣忘魚樂此竿線優哉
悠哉玩物之變

五言古

釣竿行

魏文帝

東越河濟水遙望大海涯釣竿何珊瑚魚尾何箇箇行
路之好者芳餌欲何為

釣竿

梁沈約

桂舟旣容與綠浦復回紓輕絲動弱菱微楫起單鳧叩
舷忘日暮卒歲以為娛

觀釣

陳

陰 錚

澄江息晚浪釣侶柂輕舟絲垂遙濺水餌下暗通流歌
聲時斷續檝影乍橫浮寄言濯纓者滄浪終滯遊

釣竿篇

隋

李巨仁

潺湲面江海滉漾矚波瀾不惜黃金餌唯憐翡翠竿斜
綸控急水定檝下飛湍潭迴風來易川長霧歇難寄言

朝市客滄浪余自安

漁父詞

唐 儲光羲

澤魚好鳴水谿魚好上流漁梁不得意下渚潛垂釣亂
荇時礙楫新蘆復隱舟靜言念終始安坐看沈浮素髮
隨風揚遠心與雲遊逆浪還極浦信潮下滄洲非為狗
形役所樂在行休

釣魚灣

儲光羲

垂釣綠灣春春深杏花亂潭清疑水淺荷動知魚散日

暮待情人維舟綠楊岸

漁父歌

唐 李頌

白首何老人蓑笠蔽其身避世長不仕釣魚清江濱浦
沙明濯足山月靜垂綸寓宿湍與瀨行歌秋復春持竿
湘岸竹爇火蘆洲薪綠水飯香稻青荷包紫鱗於中還
自樂所欲全吾真而笑獨醒者臨流多苦辛

大回中

唐 元結

樊水欲東流大江又北來樊山當其南此中為大回回

中魚好遊回中多釣舟漫欲作漁人終焉無所求

藍田谿與漁者宿

唐錢起

獨遊屢忘歸况此隱淪處濯髮清冷泉月明不能去更
憐垂綸叟靜若沙上鷺一論白雲心千里滄州趣蘆中
夜火盡浦口秋山曙歎息分枝禽何時更相遇

江中晚釣寄荆南一二相識

唐劉長卿

楚郭微雨收荆門遙在日漾舟水雲裏日暮春江綠霽
華靜洲渚暝色連松竹月出波上時人歸渡頭宿一身

已無累萬事更何欲漁父自夷猶白鷗不羈束既憐滄
浪水復愛滄浪曲不見眼中人相思心斷續

漁具詩

唐陸龜蒙

網

大罟網目繁空江波浪黑沈沈到波底恰共波同色牽
時萬罿入已有千釣力尚悔不橫流恐他人更得

罩

左手揭圓罟輕橈弄舟子不知潛鱗處但去籠煙水時

穿紫萍破忽值朱衣起

松江有
朱衣附

貴得不貴名敢論鯀與鯉

四

有意烹小鮮乘流駐孤棹雖然煩取捨未肯求津要多為蝦蜆誤已分鷁鵠笑寄語龍伯人荒唐不同調

釣筒

短短截筠光悠悠卧江色蓬差櫓相應雨慢煙交織須臾中芳餌迅疾如飛翼彼竭我還浮君看不爭得

釣車

谿上持隻輪
谿邊指茅屋
間乘風水便
敢議朱丹轂
高多倚衡懼
下有折軸虞
若載逍遙歸
來卧雲族

魚梁

能編似雲薄
橫絕清川口
缺處欲隨波
波中先置笱
投身入籠檻
自古難飛走
盡日水濱吟
殷勤謝漁叟

义魚

春谿正含綠
良夜才參半
持矛若羽輕
列燭如星爛
傷鱗跳密藻
碎首沈遙岸
盡族染東流
傍人作佳翫

鳴榔

水淺荇藻澀鉤罩無所及鏗如木鐸音勢若金鉦急敵之就深處用以資俯拾搜羅爾甚微遁去將何入

滻

萬植禦洪波森然倒林薄千頽咽雲上過半隨潮落其閒風信背更值雷聲惡天道亦哀多吾將移海若

苓箸

誰謂苓箸小我謂苓箸大盛魚自足浪寘璧能為害時

將刷蘋浪又取懸藤帶不及腰上金何勞問著蔡

和襲美添詠漁具

陸龜蒙

漁菴

結茅次煙水用以資嘯傲豈謂釣家流忽同禪室號閒
憑山叟占晚有谿禽媿華屋莫相非各隨吾所好

釣磯

揀得白雲根秋潮未曾沒坡陀坐鼇背散漫垂龍鬚持
竿從掩霧置酒復待月即此放神情何勞適吳越

翁笠

朝携下楓浦晚戴出煙艇冒雪或平檣聽泉時仄頂颺
移靄然色波寫危如影不識九衢塵終年居下洞

背蓬

敏手擘江筠隨身織煙縠沙禽固不知釣伴猶初覺閒
從翠微拂靜唱滄浪濯見說方山潭漁童盡能學

和陸魯望漁具詩

唐皮日休

網

晚掛谿上網映空如霧縠閒來發其機旋旋沈平綠下
處若煙雨牽時似崖谷必若遇鯢鮋從教通一目

罩

芒鞋下葑中步步沈輕罩既為茭浪颶亦被蓮泥膠人
立獨無聲魚煩似相抄滿手搦霜鱗思歸舉輕棹

四

煙雨晚來好東塘下四去網小正星蘚舟輕欲騰翥誰
知荇深後恰值魚多處浦口更有人停橈一延竚

釣筒

籠籤截數尺標置能幽絕從浮笠澤煙任卧桐江月絲隨碧波漫餌逐清灘發好是趁筒時秋聲正清越

釣車

得樂湖海志不厭華輶小月中拋一聲驚起灘上鳥心將潭底測手把波文裏何處覓奔車平波今渺渺

魚梁

波際挿翠筠離離似清簾遊鱗到谿口入此無逃所斜

臨楊柳津靜下鷺鷩侶編此欲何之終焉富春渚

鳴榔

盡日平湖上鳴榔仍動漿丁丁入波心澄徹和清響驚聽獨寂寞魚驚昧來往盡水無所逃川中有鉤黨

船舡

濶處只三尺翛然足吾事低蓬掛釣車枯蚌盛魚餌只好携橈坐惟堪益蓑睡若遣遂平生艤艎不如是

簾簷

朝空簾簷去暮實簾簷歸歸來倒却魚掛在幽窓扉但聞蝦蜆氣欲生蘋藻衣十年佩此處煙雨苦霏霏

添詠漁具

錄二

皮日休

漁菴

菴中只方丈恰稱幽人住枕上悉魚經門前空釣具束竿時倚鋸曬網還侵戶上洞有楊顥須留徃來路

箬笠

圓似寫月魄輕如織煙翠涔涔向上雨不亂窺魚思攜

來沙日微挂處江風起縱戴二梁冠終身不忘爾

漁人

唐蘇拯

垂竿朝與暮披蓑卧橫楫不問清平時日樂滄波業長
畏不得閒幾度避遊畋當笑釣臺上逃名名却傳

漁家傲

宋晁補之

漁家人言傲城市未曾到生理自江湖那知城市道晴
日七八船熙熙然在清川但見笑相屬不省歌何曲忽然
四散歸遠處滄洲微或云後車載藏去無復在至老不

曲躬羊裘行澤中

石門漁舍

宋薛季宣

漁家在何許，踏駿巖。下石花樹幾株芳。
湖山數峰碧，窊樽亭。遂古雙闕天自闢。
錦繡入茨舍，藤蘿封篋。吾為江上遊，形苦世間役。
心馳定沙步，舟行過櫓隙。浪翁底鐫銘太尉，此居宅。
豈若斯人徒風雲，相主客。

秋江釣月

元程鉅夫

荷蓑非避世，持竿不求賞。
夙抱江海心，寧為利名鞅。天

明紫煙裏日暮清波上四顧無人知孤舟自來往

秋江釣月

元
范
棹

秋江明似鏡月色靜更好之子罷琴來蘿徑初尚早衆
峰更減沒橫笛隔幽島我船爾棹歌絲綸蕩浮藻潛魚
却寒餌宿鴈起夜縞離離不可招白露下煙艸高風桐
廬士駿業渭川老同是釣魚人那應不同道把酒酌清
輝如何答穹昊

過高郵射陽湖雜詠

元
薩
都
拉

大畧一丈闊小舟一葉輕相傳子與孫終古無人爭

漁父曲

元葉顥

雨過暮雲收江空涼月出輕蓑獨釣翁一曲秋風笛宿
鶩忽驚飛點破煙波碧

釣磯

明袁凱

白日自團圓春流亦漾漾閒漚雨邊至輕絲風外颶既
寡羨魚情還聞濯纓唱緬彼磻上翁投竿復何向

秋江漁唱

明高棅

大川饒數罟淺瀆無吞舟日暮收我綸唱歌度中流歌
長入空闊兩岸江聲秋斷續和鳴榔搖颺隨狎鷗曲終
人不見雲水空悠悠

漁釣

明 祝允明

幸非城市住不舍煙波宅白鳥麗金沙蒼苔繞黃石涼
陰潤木青平遠水天碧染寒魚盡落稻晚蟬猶瘞脩綸
倚筇簪敗笠蓋被衲沾酒自易醉楓根忽終夕

寒江釣雪

明 周復俊

嵐雲凍不飛江水明素練千林冥若空遇峰隱還見漁
歌巖下起落日聲猶轉

七言古附長短句

漁父唐岑參

扁舟滄浪叟心與滄浪清不自道鄉里無人知姓名朝
從灘上飯暮向蘆中宿歌竟還復歌手持一竿竹竿頭
釣絲長丈餘鼓棹乘流無定居世人那得識深意此翁
取適非取魚

漁父歌

唐
張志和

西塞山邊白鷺飛
桃花流水鱖魚肥
青箬笠綠蓑衣斜
風細雨不須歸

其二

松江蟠舍主人歡
菰飯莼羹亦共餐
楓葉落荻花乾醉
宿漁舟不覺寒

贈湘南漁父

唐
劉長卿

問君何所適
暮暮逢煙水
獨與不繫舟
往來楚雲裏
釣

魚非一歲終日只如此日落江清桂楫遲纖鱗百尺深
可窺沈鉤垂餌不在得白首滄浪空自知

漁翁

唐柳宗元

漁翁夜傍西巖宿曉汲清湘然楚竹煙消日出不見人
欸乃一聲山水綠迴看天際下中流巖上無心雲相逐

清江行

宋劉子翬

漁翁一棹老清波稚子學語能漁歌日暮沙頭寒燕竹
雨餘船角亂堆蓑鬻殘小鮮仍自鱠湖海茫茫醉鄉內

夜闌酒渴漱寒流月照蘆花上蓬背

分題得漁邨晚照

宋徐 照

漁師得魚繞谿賣小船橫繫柴門外出門老嫗喚雞犬
收斂蓑衣屋頭曬賣魚得酒又得錢歸來醉倒地上眠
小兒啾啾問煮米白鷗飛去蘆花煙

漁父詞

金完顏璽

楊柳風前白版扉荷花雨裏綠蓑衣紅稻美錦鱗肥漁

笛間拈月下吹

其二

釣得魚來卧看書
船頭橫置酒葫蘆
煙際柳雨中蒲乞
與人間作畫圖

漁翁圖

元程鉅夫

漁翁牽艤漁婦紡牘上兒看掉車響谿南谿北趁冬晴
水急船多欠新網祝兒休啼手正忙網成得魚如汝長

漁父

元揭傒斯

夫前撒網如車輪婦後搖櫓青衣裙全家託命煙波裏

扁舟為屋鷗為鄰生男已解安貧賤生女已得供炊爨
天生網罟作田園不教衣食看人面男大還娶歟家女
女大還作歟家婦朝朝骨肉在眼前年年生計大江邊
更願官中減征賦有錢沽酒供醉眠雖無餘羨無不足
何用世上千鍾祿

右丞春谿捕魚

元吳鎮

前灘罾兮後灘網魚兮魚兮何所往桃花錦浪綠楊邨
浦澈忽聞漁笛響我行笠澤熟此圖頓起桃源雞犬想

不如歸向茅屋底老瓦盆中醉春釀

王摩詰春谿捕魚圖

元黃公望

春江水綠春雨初好山對面青芙蓉漁舟兩兩渡江去
白頭老漁爭捕魚操篙提網相兩兩慎勿江心輕舉網
風雷昨夜過禹門桃花浪暖魚龍長我識扁舟垂釣人
舊家江南紅葉却賣魚買酒醉明月貪夫徇利徒紛紜
世上閒愁生不識江草江花俱有適歸來一笛杏花風
亂雲飛散長天碧

漁莊

元 鄭元祐

濠上春晴花朶朶施周強知魚與我爭如顧循讀書倦駢沓浪花宵鼓於船頭列炬船尾唱絶獨如雲翻水上并刀斫雪鱠縷飛拍拍茅柴薦新釀莊上東風柳欲綿鯉魚吹浪迎歸船由來名教有樂地看書却埽消殘年

漁莊

元 于立

二月春水生三月春波闊東風楊柳花江上魚吹沫放船直入雲水鄉蘆荻芽如指長船頭濯足歌滄浪蘭

杜吹作春風香得魚歸來三尺強有酒在壺琴在牀長安市上人如蟻十丈紅塵埋馬耳漁莊之人百不理醉歌長在漁莊裏

漁榔夕照

明宣宗

岳陽城頭望湘浦芳艸垂楊迷古渡晴嵐霏白夕陽紅渺渺江邨天欲暮漁家茅屋住汀洲罷釣歸來穩繫舟自念生涯在網罟臨風高掛向船頭出水鮮鱗雜紫鱠纏頭有酒還堪買東鄰西舍當此時歡笑聲餘歌欸乃

豚魚吹浪白連天隔江賈客促歸船餘光遠映雙鳬外
殘影半落孤鴻邊湖上高樓雲外起下瞰湖湘千百里
憑高一望楚天低雲樹蒼蒼暮山紫

釣竿

明 刘基

斫竹作釣竿抽蘭作釣絲滄洲日暖波連漪綠蒲茸茸
柳葉垂釣纖餌香魚不知石鱗激水谿毛動玉燕迴翔
竿尾重大魚入饌腮頰紅小魚却放淵沄中更祝小魚
知我意穩向深潭莫貪餌

明高啟

捕魚詞

後網初沈前網起夫婦生來業淘水忽驚網重力難牽
打得長魚滿船喜不教持賣去南津且向江頭祭水神
願得年年神作主無事全家卧煙雨不論城中魚貴賤
換得酒歸儂不怨

清谿漁隱

明楊基

清谿秋來水如練歷歷魚蝦皆可見綠蓑酒醒雁初飛
風急蘆花吹滿面谿南一帶是青山逢著垂楊便可灣

漫道白鷗閒似我漁舟更比白鷗閒

林志尹秋江漁父圖

明 張以寧

江風搖柳雲冥冥小船釣歸潮滿汀賣魚得錢共秋酌
白酒船頭青瓦瓶樵青勸酒漁童舞擊甌唱歌無曲譜
船前野鴨莫驚飛我有竹弓不射汝

題漁樂圖

明 王紱

遙天雨歇明殘霞涼風颯颯吹蒹葭晚來隨處可棲泊
五湖煙水皆吾家得魚且見津橋酒旋採谿毛雜菱藕

除著沙鷗孰可親隔蓬喚取鄰船叟生計年年一葉舟
全家不識別離愁婦能斫鱠兒行盞一笛橫吹萬里秋

漁父詞

明 陳繼

江柳陰江水深釣船不到江之心江心風高浪相激縱使魚多不易得釣絲只在江邊垂得魚無魚心自怡有時投竿把書讀殘陽漸紅江轉綠有時沽酒醉風前沙鷗忘機相對眠人生富貴那足羨好是春鴻與秋燕江柳陰江水深釣船不到江之心

江鄉漁樂圖

明

劉溥

桃花雨歇春潮長
江中鯉魚隨水上
香蒲葉短白鷺飛
漁父乘船自來往
船頭巨鼈三丈餘
轆轤引綆如引車
浪花觸船魚亂躍
兒女相顧爭歡呼
江頭賣魚朝買穀
晚來還向江頭宿
老翁不愁兒不啼
新婦船中炊欲熟

漁景

明
魯鐸

桃李穠纖含曉濕
蓬背晴曠曬蓑笠
汀洲草芳鳬雁飛
江風撲岸炊煙急
中湖布網却伊誰
作力包羅意恐遲

春深欲勸同休息正是魚龍孕子時

笠澤漁父詞

明文彭

無利無名一老翁筆牀茶竈任西東陸魯望米南宮除
却先生便是儂

其二

吳淞江上是儂家每到秋來愛荻花眠未足日初斜起
坐船頭看落霞

其三

釣得鱸魚不賣錢
船頭吹火趁新鮮
樽有酒月將圓
落得今宵一醉眠

捕魚詞

明 吳夢暘

錢塘蕭蕭暮潮響
雪片打船天蒼莽
此時江心魚不上
漁郎視魚如在掌
身躍水底勝落網
手擎一尾一尺廣
回身落水水幾丈
俄頃出沒魚穰穰
起立船頭髮蔽顙
不著衣裳還打槳

五言律

獨釣

唐韓愈

侯家林館勝偶入得垂竿曲樹行藤角平池散於盤羽
沈知食駛縵細覺牽難聊取夸兒女榆條繫從鞍

其二

獨往南塘上秋晨景氣醒露排四岸艸風約半池萍鳥
下見人寂魚來聞餌馨所嗟無可名不得倒吾鉤

垂釣亭

唐姚合

由釣起茅亭柴扉復竹楹波清見綠影坐久識魚情白

鳥依牕宿青蒲傍砌生欲同漁父舍須自減逢迎

春江獨釣

唐戴叔倫

獨釣春江上春江引趣長斷煙棲草碧流水帶花香心事同沙鳥浮生寄野航荷衣塵不染何用濯滄浪

夜到漁家

唐張籍

漁家在江口潮水入柴扉行客欲投宿主人猶未歸竹深邨路遠月出釣船稀遙見尋沙岸春風動草衣

和春深二十首

錄一

唐白居易

何處春深好春深漁父家松灣隨棹月桃浦落船花投
餌移輕楫牽輪轉小車蕭蕭蘆葉裏風起釣絲斜

漁父

唐杜牧

白髮滄浪上全忘是與非秋潭隨釣去夜月叩船歸煙
影侵蘆岸潮痕在竹扉終年狎鷗鳥來去且無機

宿漁家

唐劉威

竹屋清江上風煙四五家水圍分茭葉鄰界認蘆花雨
到魚翻浪洲迴鳥傍沙月明何處去片片席帆斜

漁父

唐李中

煙冷暮江濱
高歌散誕身移舟
過蓼岸待月正絲綸亦
與樵翁約同遊
酒市春白頭雲水上不識獨醒人

谿叟

唐僧景雲

谿翁居處靜
谿鳥入門飛
早起釣魚去
夜深乘月歸
露香菰米熟
煙煖荇絲肥
瀟灑塵埃外
扁舟一艸衣

漁父吟

宋宋伯仁

小舟如鴈許穩穩
下波心蓑笠幾風雨
江山無古今清

金華子集卷二十八
歌鳴短棹紅葉滿疎林一醉不知世前谿月未沈

漁隱為周仲明賦

元 黃 庚

一笠戴春雨扁舟寄此情世間塵網密江上釣絲輕不
羨魚蝦利惟尋鷗鷺盟嚴陵臺下水猶作漢時清

漁莊

元 郭 翼

山色桃花裏漁莊信少雙鷗羣迴落日魚笱聚深矼楊
柳秋開屋蒹葭雨滿江野翁歸醉晚水沒繫船椿

夜到漁家

明 吳鼎芳

漁家近秋水水上橫扉開地寂月初到谿寒潮不來
却沾惟白杜野坐只青苔為說芙蓉好明朝未可回

五言排律

釣竿篇

唐
沈佺期

朝日斂紅煙垂竿向綠川人疑天上坐魚似鏡中懸避
櫟時驚透猜鈎每誤牽湍危不理轄潭靜欲留船釣玉
君徒尚徵金我未賢為看芳餌下貪得會無筌

六言律

明 楊慎

秋漁

日出煙消露晞百丈清江釣磯船似天邊穩坐魚若空
行無依禩靄歌星獨往婆娑舞月方歸兆熊不夢渭叟
狎鷗久忘漢機

七言律

和慕容法曹尋漁者寄城中故人

唐錢起

孤煙一點綠谿渭漁父幽居即舊基飢鷺不驚收釣處

閒麝應乳負暄時茅齋對雪閉尊好稚子焚枯飯客遲
勝事宛然懷抱裏頃來新得謝公詩

西江上送漁父

唐溫庭筠

却逐嚴光向若邪釣輪茭棹寄年華三秋細雨愁楓葉
一夜扁舟宿葦花不見水雲應有夢偶隨煙島便成家
白蘋風起樓船暮江燕雙雙五兩斜

寄湘陰閻少府乞釣輪子

溫庭筠

釣輪形與月輪同獨繭和煙影似空若向三江逢雁信

莫辭千里寄漁翁蓬聲夜滴淞江雨菱葉秋傳鏡水風
終日垂釣還有意尺書多在錦鱗中

西塞山泊漁家

唐皮日休

白綸巾下髮如絲靜倚楓根坐釣磯中婦桑邨挑葉去
小兒沙市買蓑歸雨來蓆菜流船滑春後鱸魚墜釣肥
西塞山前終日客隔波相羨盡依依

魯望以輪釣相示緬懷高致因作三篇

錄二

皮日休

角柄孤輪細膩輕翠蓬十載伴君行燃時解轉蟾蜍魄
拋處能啼絡緯聲七里灘波喧一舍五雲谿月靜三更
朱衣鮒足和蓑睡誰信人間有利名

其二

盡日悠然艸舡輕小輪聲細雨溟溟三尋絲帶桐江爛
一寸鈎含笠澤腥用近詹何傳釣法收和范蠡養魚經
孤篷半夜無餘事應被嚴灘聒酒醒

頃自桐江得一釣車以襲美樂煙波之思因出

錄一

以為玩俄辱三篇復抒詒答

唐陸龜蒙

曾招漁侶下清潯獨繭初隨一錘深細轆煙華無轍跡
靜含風力有車音相呼野飯依芳艸迭和山歌逗遠林
得失任渠但取樂不曾生箇是非心

贈彭蠡釣者

唐杜荀鶴

偏坐漁舟出葦林葦花零落向秋深祇將波上鷗為侶
不把人間事繫心傍岸歌來風欲起卷絲眠去月初沈

若教我似君閒放贏得湖山到老吟

戲贈漁家

杜荀鶴

見君生計羨君閒求食求衣有底難養一箔蠶供釣線
種千莖竹作漁竿胡盧杓酌春釀酒舴艋舟流夜漲灘
却笑儂家最辛苦聽蟬鞭馬入長安

憶釣舟

唐吳融

青山小隱枕潺湲一葉垂綸幾泝沿後浦春風隨興去
南塘秋雨有時眠慣衝曉霧驚羣鴈愛颺殘陽入亂煙

回首無人寄惆悵九衢塵土困揚鞭

釣翁

唐秦韜玉

一竿青竹老江隈荷葉衣裳可自裁潭定靜懸絲影直
風高斜颭浪紋開朝携輕櫂穿雲去暮背寒塘戴月回
世上無窮嶮巇事算應難入釣船來

贈漁者

唐胡曾

不愧人間萬戶侯子孫相繼老扁舟往來南越諳鮫室
生長東吳識蜃樓自為釣竿能遣悶不因萱草解銷憂

美君獨得逃名趣身外無機任白頭

贈漁者

唐韓偓

個儂居處近誅茅枳棘籬兼用荻梢盡日風扉從自掩
無人箇釣是誰拋城方四面牆陰直江閣中心水脈坳
我亦好閒求老伴莫嫌遷客且論交

贈漁翁

唐韋莊

草衣荷笠鬢如霜自說家編楚水陽滿岸秋風吹枳橘
遶陂煙雨種菰蘆刀夜鱠紅鱗膩木甌朝蒸紫芋香

曾向五湖期范蠡爾來空閑久相忘

贈漁翁

唐羅隱

葉艇悠揚鶴髮垂生涯空託一輪絲是非不向眼前起
寒暑任從波上移風漾長歌秋月裏夢和春雨畫眠時
逍遙此意誰人會應有青山綠水知

釣車

唐徐夤

荻灣漁客巧妝成碰鑄銀星一點輕拋過碧江鷺鷗岸
軋殘金井轆轤聲軸磨辭角冰光滑輪卷春絲水面平

把向嚴灘尋轍迹漁臺基在輒難傾

貽釣魚李處士

唐 譚用之

罷吟鸚鵡艸芊芊又泛鴛鴦水上天一棹冷涵楊柳雨
片帆香挂芰荷煙綠搖江澹萍離岸紅點雲疎橘滿川
何處遯將歸洞府數莖紅蓼一漁船

次韻南谿觀魚

宋 韓駒

城西鼓櫂又城東不待谿分上下風碧樹垂楊間黃綠
水盤行鱠簇青紅橫塘日暮林巒合斷岸秋來浦澈通

安得此身無世累便隨漁艇入空濛

漁家

宋陸游

江上漁家水蘸扉聞雲片片傍苔磯釣收驚下虛舟立
橋斷僧尋別徑歸海近岡巒多迤邐天寒霧雨正霏微
羊裘老作桐江叟點檢初心幸未違

次圭父觀漁韻

宋朱子

平生三伏斷追遊誰喚來穿澗樹幽初訏網橫天影破
忽驚人蹴浪花浮鳴榔不用齊吳榜鼓枻何須學楚謳

便有金盤堆白雪却憐清泚向東流

漁父

金李節

舉世從誰話獨醒短蓑輕箬寄餘生半篙春水世塵遠
一笛晚風山雨晴稚乳滿船生事簡魚蝦到市利源輕
旁人莫怪機心少曾與滄洲白鳥盟

潮谿夜漁

元柳貫

谿水添流到石矼小家殘戶占魚商蛟龍未解乘雲氣
魚鼈安能避澤梁兩岸櫟林藏曲折一篝松火照微茫

淮夷固有蠶
蛛顆往往鉤深得夜光

漁蓑

元謝宗可

翠結香莎付釣舟一竿風雨不須愁苔磯夜泊披寒去
葦岸昏歸帶濕收月冷籠衣眠柁尾天晴隨網曬船頭
羊裘莫笑狂奴錯也著煙波萬頃秋

釣絲

謝宗可

臨流纖影衆鱗驚消得長繅一縷輕鉤墜亂縈春水碧
竿垂斜冕晚風清牽回江上煙波夢掣斷人間富貴情

我欲笑携千尺去桃花浪裏拔鯢鯨

潮谿夜漁

元 吳 萊

昨夜寒潮與此通荒谿尚趣百川東行依柏樹林頭月
釣拂蘆花嶼畔風挿竹侵沙魚扈短蓑燈映草蘚磽空
太公遠矣吾將隱赤鯉何書在腹中

題秋江把釣圖

元 黃鎮成

獨載輕舠過碧川一綸牽動楚江天蘆邊有月還吹笛
柳外無風不繫船畱火夜燃湘岸竹得魚朝送酒家錢

十年湖海真如畫亦欲狂歌一叩舷

漁邨意

元
錢惟善

丙穴魚來江盡頭元真卜築更深幽對門燈火三家市
何處煙波萬里舟明月竹枝揚子夜西風木葉洞庭秋
棹歌一曲閒來往指點儂家鸚鵡洲

竹榦青樂釣

明
太祖

曠浦澄天濕曉煙智人樂釣穩沙前蓑輕雨霽雲收谷
釣擲綸樞水映船舉棹欲歸江月上掛帆已近暮霞邊

汀蘆處處飛螢火照徹漁邨夜不眠

題煙波泛舟圖

明 劉基

舊遊憶鼓湘湖棹日淨風微江練平小艇曲穿花底出
游魚相伴鏡中行別來漫想心徒切畫裏重看眼亦明
素石蒼松是何處願從巢父濯冠纓

吳淞漁樂

明 沈貞

家住滄洲白鳥邊捕魚沽酒自年年桃花浪暖堪垂釣
楊柳風輕不繫船帆影帶歸孤嶼月笛聲吹散一江煙

武陵亦是人間路誰說仙家別有天

懷朱漁父

明江仲魚

九谿深處似嚴灘渺渺風塵白眼看葉艇每隨幽嶂出茅房孤掩落花殘芙蓉衣上雲千片楊柳谿頭月一竿釣罷瓦餅曾共醉滿身零露不知寒

峨谿晚釣

明僧德祥

牛渚山前白鷺飛船頭坐得便無機鶯從柳絮風中聽魚到桃花水後肥有夢只因懷太白逢人多是說元暉

一壺春酒江邨暮泊在峨谿醉不歸

五言絕句

江行

唐錢起

岸綠野煙遠江紅斜照微撐開小漁艇應到月明歸

其二

曾有煙波客能歌西塞山落帆惟待月一釣紫菱灣

其三

江雨正霏微江邨晚渡稀何曾妨釣艇更待得魚歸

江邨夜泊

唐項斯

月落江路黑前邨人語稀幾家深樹裏一火夜漁歸

漁家

唐張喬

擁棹思悠悠更深泛積流惟將一星火何處宿蘆洲

野釣

唐韓偓

細雨桃花水輕鷗迷浪飛風頭阻歸棹坐睡倚蓑衣

釣叟

唐杜荀鶴

茅屋深灣裏釣船橫竹門經營衣食外猶得弄兒孫

江上漁者

宋范仲淹

江上往來人但愛鱸魚美君看一葉舟出沒風波裏

漁艇

宋朱子

出載長煙重歸裝片月輕千巖猿鶴友愁絕棹歌聲

谿邊釣船

元牟獻

莫出前谿去隨宜下釣釣風波若不惡鱸鰍滿船頭

題漁舟風雨圖

元吳澄

蓑笠寒颼颼一篙背拳曲有人方醉眠酒醒失茅屋

淮南漁歌

元
馬祖常

棹船淮水上曬網赤岸南船中捕來魚賣錢買魚籃

其二

小艇如鳧鷺湘東柴杉木載家復捕魚夜夜繫江竹

捕魚圖

元
虞集

網罟日相從天寒澤國空釣竿長倚樹老却渭川翁

春江獨釣圖

元
倪瓈

春洲菰蔆綠江水似空虛望山以高詠意釣不在魚

漁邨夕照

元陳旅

落日楚江深倒景在高樹曬網茅屋頭分魚石梁步

雜畫

明孫一元

盡日不見魚風高網罟冷蹋歌歸未歸江波蕩人影

網集潭

明施漸

朝向湖上去暮從湖上歸漁家自成市曬網及斜暉

平望夜泊

明王穉登

魚鱗成石量桑葉論斤賣珍重絲網難家家月中曬

六言絕句

漁隱圖詩為程子純賦

元杜本

山下白雲縹渺水邊紅樹依稀信有桃源深處漁人今亦忘歸

漁

明黎擴

魚水心情淡淡鷗波身世悠悠清風楊柳一曲明月蘆

花滿洲

七言絕句

戲題湖上

唐常建

湖上老人坐磯頭
湖裏桃花水却流
竹竿嫋嫋波無際
不知何者呑吾鉤

江邨即事

唐司空曙

罷釣歸來不繫船
江邨月落正堪眠
縱然一夜風吹去
只在蘆花淺水邊

家園

唐白居易

滄浪峽水子陵灘
路遠江深欲去難
何似家池通小院

臥房階下挿漁竿

贈漁父

唐杜牧

蘆花深澤靜垂綸
月夕煙朝幾十春
自說孤舟寒水畔
不曾逢著獨醒人

懷歸

杜牧

塵埃終日滿窓前
水態雲容思浩然
爭得便歸湘浦去
却持竿上釣魚船

湖上

唐許渾

彷彿欲當三五夕
萬蟾清雜亂
泉紋釣魚船上一尊酒
月出渡頭零落雲

守風淮陰

許渾

遙見江陰夜漁客
因思京口釣魚時
一潭明月萬株柳
自去自來人不知

薛氏池垂釣

唐溫庭筠

池塘經雨更蒼蒼
萬點荷珠曉氣涼
朱瑀空媿御溝水
錦鱗紅尾屬嚴光

寄裴生乞釣鉤

溫庭筠

一隨菱棹謁王侯
深媿移文負釣舟
今日太湖風色好
却將詩句乞魚鉤

沅江漁者

唐 李羣玉

倚棹汀洲沙日晚
江鮮野菜桃花飯
長歌一曲煙靄深
歸去滄浪綠波遠

釣魚

李羣玉

七尺青竿一丈絲
菰蒲葉裏逐風吹
幾回舉手拋芳餌

驚起沙灘水鴨兒

贈江上老人

唐方干

潭底錦鱗多識釣未投香餌即先知欲教魚目無分別
須學猱藍染釣絲

漁父

唐汪遵

棹月眠流處處通綠蓑葦帶混元風靈均說盡孤高事
全與逍遙意不同

漁者

唐張喬

首戴圓荷髮不梳葉舟為宅水為居沙頭聚看人如市
釣得澄江一丈魚

阻風

唐韓偓

平生情趣羨漁師此日煙江悵所思肥鱖香杭小艤牒
早秋滋味阻風時

醉著

韓偓

萬里清江萬里天一卽桑柘一卽煙漁翁醉著無人喚
過午醒來雪滿船

江南

唐 陸龜蒙

便風船尾香杭熟細雨骨頭赤鯉跳待得江冷閒望足
日斜方動木蘭橈

自遣

陸龜蒙

甫里先生未白頭酒旗猶可戰高樓長鯨好鱠無因得
乞取艅艎作釣舟

其二

賢達垂竿小隱中我來真作捕魚翁前谿一夜春流急

已學嚴灘下釣筒

釣車

陸龜蒙

小輪輕線妙無雙曾伴幽人酒一缸洛客見時如有問
輾煙衝雨過桐江

淮上漁者

唐鄭谷

白頭波上白頭翁家逐船移浦浦風一尺鱸魚新釣得
兒猿吹火荻花中

釣叟

唐杜荀鶴

田不曾耕地不鋤誰人閑散得如渠渠將底物為香餌
一度擣竿一箇魚

漁父

唐李中

偶向蘆花深處行谿光山色晚來晴漁家開戶相迎接
稚子爭窺犬吠聲

其二

雪鬚蒼鬚白布袍笑携頰鯉換却醪醕慙留我宿谿上
釣艇歸來明月高

小兒垂釣

唐 胡幽貞

蓬頭稚子學垂綸倒坐莓苔艸映身路人借問遙招手
恐畏魚驚不應人

漁者

宋 郭震

江柳弄風顰翠黛山花著雨濕臙脂却收短櫂拈長笛
一葉舟中仰面吹

南塘即事

宋翁 卷

半川寒日滿村煙紅樹青林古岸邊漁子不知何處去

渚禽飛落拗骨船

舟行六絕句

錄一

宋張耒

渡頭風雨晚生寒蓑笠漁翁坐釣船為問蓬中有魚否
一雙新鱖出籠鮮

過葢竹作

宋朱子

浩蕩鷗盟久未寒征驂聊此駐江干何時買得漁船就
乞與人間畫裏看

田舍即事

宋劉克莊

谿上漁郎占斷春一川碧浪映紅雲問渠定是神仙否
櫓去如飛語不聞

漁父詞

宋方岳

陰陰深樹晚生煙雨急歸來失繫船白鷺不驚沙水淺
依然共在綠楊邊

煙谿獨釣圖

金元好問

鞍馬風沙萬里身眼明驚見楚江春綠蓑衣底元真子
不解吟詩亦可人

所見

金劉鐸

綸竿老子綠蓑衣細雨斜風一釣磯正是鄰家社醅熟
柳條穿得錦鱗歸

過唐州西李口

金邢安國

白沙翠竹谿上却漁翁賣魚喚行人西風吹皺一谿水
水光日影金鱗鱗

江景

元黃庚

寒生鴈背天將雪冷入魚腮水欲冰釣艇歸來江路暝

舟人分火點漁燈

雨過

黃庚

雨過山頭雲氣濕
潮生渡口岸痕深
一聲短笛斜陽外
知有漁舟泊柳陰

江鄉夜興

元

尹廷高

極浦霜清鴈打圍
漁燈明滅水煙微
天寒想是鱸魚少

犬吠空江船夜歸

谿上

元

劉秉忠

蘆花遠映釣舟行漁笛時聞三兩聲一陣西風吹雨散
夕陽猶在水邊明

即事

元許有壬

幾家門繁釣魚船一陣風香燎麥煙畫出太平村落景
酒旗多在綠楊邊

漁翁

元周權

轉櫂收緝日未西短蓬斜閣斷沙低賣魚買酒歸來晚
風颭蘆花雪滿谿

題春江漁父圖

元
楊維楨

一片青天白鷺前
桃花水泛住家船
呼兒去換城中酒
新得槎頭縮頸鯿

綠陰垂釣

元
貢性之

時送滄浪一曲歌

釣魚圖

貢性之

谿樹蒼茫帶晚煙
谿流逆上似登天
歸來釣得鱸魚美

只博西窓一覺眠

題畫雜詩

元
馬臻

數點殘鴉水遠邨
幾家茅屋掩柴門
白頭翁叟歸來晚
自把漁舟繫柳根

其二

采菱渡頭秋日晚
紅樓隔岸知誰家
參差遠樹雜雲氣
滅沒漁舟侵浪花

畫意

馬臻

江花江草映江樓
寫出江天一片秋
隔岸小橋低數尺
澹煙消處見漁舟

小议

元僧圓至

麻骨燈明竹簾疏
更深人語在茅廬
開蓬緣岸去沽酒
點火撥船來賣魚

絕句漫興

明劉基

五湖風雨夜垂綸
一葉扁舟一粟身
至竟雲濤歸大壑
煙波還屬釣魚人

題盛子昭臨吳興公谿山釣船圖

明虞堪

著我春江聽雨眠
鷗波亭下水如天
當時度得參差玉
吹起春風滿釣船

春江漁父

明陳繼

鬚絲如雪映沙鷗
煙渚風汀醉泊舟
好謝岸傍花共柳
莫將春色忌清秋

贈釣伴

明陳憲章

短短蔓蒿淺淺灣夕陽倒影對南山大船鼓枻唱歌去
小艇得魚吹笛還

醉著

明孫一元

瓦瓶倒盡醉難醒獨抱漁竿卧晚汀風露滿身呼不起
一江流水夢中聽

秋江釣者

明潘德元

江湖最樂是漁翁何地無天著釣蓬見慣白鷗渾不避
一絲晴颶蓼化風

漁郎夕照

明

沈明臣

不知誰唱白銅鞮
楊柳却邊即大堤
款乃一聲風斷續
打魚人背夕陽西

桃谿

明

婁堅

迎潮小艇灑魚蝦
臨水居人引釣車
不怕桃源迷處所
潮回應帶樹頭花

鯰子禪

明

僧守仁

杖藜何處問鯰禪
回首胥却鎖暮煙
一曲漁歌秋浦外

腥風吹滿渡頭船

漁邨夜歸

明

僧宗衍

月落蘋汀宿霧凝小橋霜冷掛魚骨歸來已是三更後
水際人家尚有燈

頌古詩

明

僧普慈

每嗟船子慣垂綸恒泊谿邊荻映身人問不言頭自點
恐驚魚去不應人

御定佩文齋詠物詩選卷二百二十八

欽定四庫全書

御定佩文齋詠物詩選卷二百二十九

牧類

五言古

牧童詞

唐 儲光羲

不言牧田遠不道牧陂深所念牛馴擾不亂牧童心圓
笠覆我首長蓑披我襟方將憂暑雨亦以懼寒陰大牛
隱層坂小牛穿近林同類相鼓舞觸物成謳吟取樂須

史間寧問聲與音

牧童詞

元周權

我牧不憚遠牧多良苦辛所幸牧已狎馴擾無敗羣平
原濕春煙碧艸何披紛大牛隱童坂小牛飲芳津旦出
露未晞及歸景尚曛時復叩角歌歌俚全吾真取樂田
野間世事非所聞歌闌卧牛背仰見天際雲

七言古

附長短句

牧童詞

唐李涉

朝牧牛牧牛下江曲夜牧牛牧牛却口谷荷笠出林春
雨細蘆管卧吹沙艸綠亂挿蓬蒿箭滿腰不怕猛虎欺

黃犧

牧童

唐僧隱璵

牧童見人俱不識盡著芒鞋帶蓑笠朝陽未出衆山時
露滴蓑衣猶半濕二月三月時平原草初綠三箇五箇
騎羸牛前却後却來放牧笛聲纔一舉衆稚齊歌舞看
看白日又西斜各自騎牛又歸去

書晁說之考牧圖後

宋蘇軾

我昔在田間但知羊與牛川平牛背穩如駕百斛舟舟行無人岸自移我卧讀書牛不知前有百尾羊聽我鞭聲如鼓鼙我鞭不妄發視其後者而鞭之澤中草木長艸長病牛羊尋山跨坑谷騰趨筋骨強煙蓑雨笠長林下老去而今空見畫世間馬耳射東風悔不長作多牛翁

牧牛兒

宋張耒

牧牛兒遠陂牧遠陂牧牛芳草綠兒怒掉鞭牛不觸澗
邊柳古南風清麥深散目田野平烏犍礪角逐艸行老
犧卧噍飢不鳴犧兒跳梁沒艸去隔林應母時一聲老
翁念兒自携餉出門先上岡頭望日斜風雨濕蓑衣拍
手唱歌尋伴歸遠邨放牛風日薄近邨放牛泥水惡珠
璣燕趙兒不知兒生但知牛背樂

李唐春牧圖

元任士林

春氣熏人未耕作江頭青青牛齒白牛飢草細隨意嚼

老翁曲膝睡亦著蓬頭不記笠拋却牛樹當風夢搖落
夢裏牛繩猶在握昨夜圓頭牛食薄

牧童謠

明周是修

遠牧牛朝出東谿谿上頭谿頭草短牛不住直過水南
芳草洲脫衣渡水隨牛去黃蘆颯颯風和雨老鴉亂啼
野羊走絕谷無人驚四顧寒藤枯木暮山蒼同伴相呼
歸又忙石稜割脚茅割耳身上無有乾衣裳却思昨日
西邊好曠坂平原盡豐草短蓑一卧午風輕長笛三吹

夕陽早

五言律

牧童

唐僧栖蟾

牛得自由騎春風細雨飛青山青草裏一笠一蓑衣日
出唱歌去月明撫掌歸何人得似爾無是亦無非

牧

明張居正

是處桑麻好田家樂事同耕夫閒白晝牧豎趣春風短
笛雲山外長林雨露中命儔還藉草相與說年豐

六言律

夏牧

明 楊慎

長夏冷風清
明日晴丹帔
綠疇山高羊羣似蟻
水闊牛背如舟半幅生
煙羃羃三腔短笛悠悠
柴扉歸來早掩斜陽影
在檐頭

七言律

牧

明 朱之蕃

擇地求芻雨得宜欣看茲壯望蕃孳薰風永晝蓑堪枕

殘日荒郊笛任吹海上平津封已晚窖中屬國節空奇
長原淺草清流繞倒跨徐歸信犢兒

五言絕句

牧童

唐劉駕

牧童見客拜山果懷中落晝日驅牛歸前谿風雨惡

牧豎

唐崔道融

牧豎持蓑笠逢人氣傲然卧牛吹短笛耕却傍谿田

六言絕句

明黎擴

牧

芳草茸茸煖碧烏犍濕濕春肥滿蓑煙雨朝出一笛斜

陽暮歸

七言絕句

牧童

唐盧肇

誰人得似牧童心牛背橫眠秋興深時復往來吹一曲
何愁南北不知音

題牧牛圖

元黃清老

平原雨多煙草浮牧童驅牛如挽舟柴門正在水深處
青山流過屋西頭

題牧牛圖

元僧行端

誰家荒曠連平原何處孤邨帶喬木官田耕盡牛正閒
且對東風弄橫玉

牧牛

明王錫爵

壠上歸來跨犧行揚鞭遙指暮雲生明朝共把春犁去
聞道君王欲省耕

平原道中見牧豕者

明 尹嘉賓

天門室宿鬱如虹
海上蕭條牧豕翁
會得平津開閭意
一竿寒日野田中

御定佩文齋詠物詩選卷二百二十九

欽定四庫全書

御定佩文齋詠物詩選卷二百三十

織類

五言古

子夜夏歌

晉樂府

春傾桑葉盡夏開蠶務畢晝夜理機絲知欲早成匹

作蠶絲

晉闕名

素絲非常質屈折成綺羅敢辭機杼勞但恐花色多

詠中婦織流黃

梁簡文帝

翻花滿堦砌愁人獨上機浮雲西北起孔雀東南飛調
絲時繞腕易鐫乍牽衣鳴梭逐動釧紅粧映落暉

與司馬治書同聞鄰婦夜織

梁王僧孺

洞房風已激長廊月復清藹藹夜庭廣飄飄曉帳輕雜
聞百蟲思偏傷一鳥聲鳥聲長不息妾心復何極猶恐
君無衣夜夜當牕織

見人織聊為之詠

梁劉邈

纖纖運玉指脈脈正蛾眉振躡開交縷停梭續斷絲檐
花照初月洞口垂朱帷弄機行掩淚翻令織素遲

中婦織流黃

唐虞世南

寒閨織素錦含怨歛雙蛾綜新交縷澀經脆斷絲多衣
香逐舉袖釧動應鳴梭還恐裁縫罷無信達交河

織女詞

唐孟郊

夫是田中郎妾是田中女當年嫁得君為君秉機杼筋
力日已疲不息牕下機如何織紝素自著藍縷衣官家

榜却路更索裁桑樹

古詞

唐
施肩吾

夜裁鴛鴦綺朝織蒲桃綾欲試一寸心待縫三尺冰

却舍雜書

宋
陸游

中春農在野蠶事亦隨作手種臨安青可飼蠶百箔累
累繭滿簇繹繹絲上隻老子雖安眠衣帛可無怍

題耕織圖

元
趙孟頫

三月

三月蠶始生纖細如牛毛婉孌閨中女素手握金刀切葉以飼之擁紙散周遭庭樹鳴黃鳥發聲和且嬌蠶飢當採桑何暇事遊遨田時人力少丈夫方種苗相將挽長條盈筐不終朝數口望無寒敢辭終歲勞

五月

五月夏以半谷鶯先弄晨老蠶成雪繭吐絲亂紛紜伐葦作曲薄束縛齊榛榛黃者黃如金白者白如銀爛然滿筐皆受此顏色新欣欣舉家喜稍慰經時勤有客過

相問笑聲聞四鄰論功何所歸再拜謝蠶神

六月

釜下燒桑柴取繭投釜中纖纖女兒手抽絲疾如風田家五六月綠樹陰相蒙但聞繅車響遠接邙西東旬日可經絹弗憂杼軸空婦人能蠶桑家道當不窮更望時雨足二麥亦稍豐酤酒田家飲醉倒嫗與翁

七月

七月暑尚熾長日弄機杼頭蓬不暇梳揮手汗如雨嚶

嚙時鳥鳴灼灼紅橘吐何心娛耳目往來忘
樞僂織為機中素老幼要紉補青燈照夜梭
蟋蟀窗外語辛勤亦何有身體衣縷縷嫁為
田家婦終歲服勞苦

七言古

賦得婀娜當軒織

陳蕭詮

東南初日照秦樓西北織婦正嬌羞
綺窓猶垂翡翠幌珠簾半上珊瑚鈎
新粧入機映春牖弄杼鳴梭挑織手
何曾織素讓新人不掩流蘇推中婦
三日五匹未言遲

衫長腕弱繞青絲綾中轉躡成離鵠錦上廻文作別詩
不惜紈素同霜雪更傷秋扇籃中辭

織錦詞

唐溫庭筠

丁東細漏侵瓊瑟影轉高梧月初出簇縠金梭萬縷紅
鴛鴦艷錦初成匹錦中百結皆同心蕊亂雲盤相間深
此意欲傳傳不得玫瑰作柱朱絃琴為君裁破合歡被
星斗迢迢共千里象尺熏爐未覺秋碧池已有新蓮子

染絲上春機

唐李賀

玉鑿汲水桐花井
倩絲沉水如雲影
美人嬾態臙脂愁
春梭拋擲鳴高樓
絲線結茸背復疊
白袷王郎寄桃葉
為君挑鸞作腰綬
願君處處宜春雪

繅絲行

宋 范成大

小麥青青大麥黃
原頭日出天色涼
姑婦相呼有忙事
舍後煮繭門前香
繅車嘈嘈似風雨
繭厚絲長無斷縷
今年那暇織絹著
明日西門賣絲去

流黃引

元 宋 穀

桂庭月午啼蠻閒鸞宮露下冰紈單酥燈毳帳鴈門塞
妾心料此中閨寒流黃縮澀微含潤錦石鋪雲瑩相襯
細腰杵急夜如年擣碎商飈不知困春纖易製添光澤
鳳花入眼波紋溢東天鵠鵠呼侍兒快取衣箱金粟尺

寒機女詞

元王逢

鴛鴦機滿東西舍雪繭繰來日相射世俗競染紅藍花
妾心鍾愛金絲柘君王錦繡焚殿前天孫鳳梭蛛網懸
織成雲霧製龍裘萬一熏香分御筵

五言律

蠶室成

明 皇甫汸

蠶館開周典
鸞輿扈漢儀
棘牆春窈窕
桑治畫漣漪
獻夫人日衣明
上帝時娥媚
御王母玉佩
降瑤池

五言排律

鮫人潛織

唐 薛能

珠館馮夷室靈鮫信所潛
幽閒雲碧牕滉漾水晶簾機
動龍梭躍絲縈蘿綺添七襄
牛女恨三日大人嫌透手

擎吳練凝冰笑越縗無因聽札札空想濯纖纖

七言律

織錦女

唐
秦韜玉

桃花日日覓新奇有鏡何曾及畫眉祇恐輕梭難作匹
豈辭纖手偏生胝合蟬巧間雙盤帶聯雁斜銜小折枝
豪貴大堆酬曲徹誰知辛苦一絲絲

題張萱美人織錦圖為慈谿蔡元起賦

元納
延

織錦秦川窈窕娘
新翻花樣學宮坊
窓虛轉軸鶯聲滑
腕倦停梭粉汗香
雙鳳廻翔金縷細
五雲飛動綵絲長
明年夫婿封侯日
裁得宮袍遠寄將

織錦機

明瞿佑

綠紗窓下響咿啞
知是秦川第幾家
五色染成長命縷
雙頭挽就合歡花
只愁轉軸勞筋力
莫謾投梭損齒牙
不似繡牀閒坐倦
自將辛苦作生涯

五言絕句

續古

唐陳陶

嬋娟越機裏織得雙棲鳳憇此殊世花金梭忽停弄

其二

景龍臨太極五鳳當庭舞誰信簾間梭升天作雲雨

浣紗女

唐僧皎然

清淺白沙灘綠蒲尚堪把家住水東西浣紗明月下

織錦圖

元楊維楨

秋深未寄衣絡緯上寒機斷織曾相戒夫君不用歸

七言絕句

江南織綾詞

唐施肩吾

卿卿買得越人絲，貪弄金梭嬾畫眉。
女伴能來看新繩，

鴛鴦正欲上花枝

冬日田園雜興

宋范成大

邨巷冬年見俗情，鄰翁講禮拜柴荆。
長衫布縷如霜雪，云是家機自織成。

織婦

宋謝翹

待得原蠶繭上絲織成送女去還歸支機本是寒砧石
留取秋深自搗衣

西湖竹枝詞

元顧瑛

陌上採桑桑葉稀家中看蠶怕蠶饑大姑要織迴文錦
小姑要織嫁時衣

過郝家

明樊阜

細莎邨路繞山斜澗水西頭一兩家桑柘葉乾鳩雨歇
茅檐索索響繅車

貧女吟

明余育

舊絲織盡復新絲辛苦終朝不下機
祇恐與時花樣別不堪裁作嫁人衣

蘇蕙

明梁辰魚

淚痕點滴錦花浮幾載拋梭織未休願得璇圖似夫婿
殘絲斷處認回頭

竹枝詞

明王叔承

青桑老盡茜花開新婦看蠶婆不來織得西川宮樣錦

機頭先與小姑裁

御定佩文齋詠物詩選卷二百三十

欽定四庫全書

御定佩文齋詠物詩選卷二百三十一

女紅類

五言古

子夜夏歌

晉樂府

田蠶事已畢思婦猶苦身當暑理綺服持寄與行人

詠剪綵花

梁劉孝威

葉舒非漸大花發是初開無論人訝似蜂見也爭來

梁朱超道

淺深依樹色舒卷聽人裁假令春已度終在手中開

子夜冬歌

唐崔國輔

寂寥抱寒心裁羅文裊裊夜久頰挑燈霜寒剪刀冷

子夜吳聲四時歌

元張憲

瓦上松雪落燈前夜有聲起持白玉尺呵手製吳綾總
紉征袍縫邊庭艸又青

七言古

白紵詞

唐張籍

皎皎白紵白且鮮將作春衣稱少年裁縫長短不能定
自持刀尺向姑前復恐蘭膏汙纖指常遣傍人收墮珥
衣裳著時寒食下還把玉鞭鞭白馬

裁衣曲

元陳基

殷勤織紝綺寸寸成文理裁作遠人衣縫縫不敢遲裁
衣不怕剪刀寒寄遠惟憂行路難臨裁更憶身長短只
恐邊城衣帶緩銀燈照壁忽垂花萬一衣成人到家

美人熨帛圖

明 刘溥

霜帛丁東搗初歇女伴相憐白如雪掩帷下堂同此情
白腕對曳當中庭中庭無風乾未得銅斗自燒還自熨
只愁熨著有憔暈難表此身如此白小蠻莫更躡復躡
猶恐皺却葵花紋

五言律

剪絲

唐 張九齡

姪女矜容色為花不讓春既爭芳意早誰待物華真葉

作參差發枝從點綴新自然無限態長在艷陽晨

七言律

剪刀

唐徐夤

寶持多用繡為囊雙目交加兩鬢霜金匣掠平花翡翠
綠窓裁破錦鴛鴦初裁連理枝猶短誤綰同心帶不長
欲製綻袍先把看質非紈綺媿銛鉛

監繡

元揭祐民

鳳閣龍庭慶自今羽鱗顏色組絲深美人百巧天孫手

才士一生紅女心願化神蠶抽甕繭用將纓藉入瑤林
讀書補報渾無力慚媿臨機惜寸陰

剪刀

明 瞿佑

巧製工夫百鍊鋼持來閨閣共行藏雙環對展魚腸快
兩股齊開燕尾張針線有功憑制造綺羅無價任裁量
隨機鏤出新花樣長在佳人玉指傍

五言絕句

春夜裁絳

唐 薛維翰

珠箔因風起飛蛾入最能不教人夜作方便殺明燈

無題

明 表凱

春衣裁剪罷密葉間穠花縫到鴛鴦處行行線腳斜

七言絕句

寒闌思

唐 白居易

寒月沈沈洞房靜真珠簾外梧桐影秋霜欲下手先知
燈底裁縫剪刀冷

題針限羨字韻

宋 袁萬頃

一寸堅鋼鐵琢成綺羅叢裏度平生有時稚子敲成釣
釣得魚兒便作羹

春詞

元

胡天游

綠窓紅燭製春衣宮樣花紗要入時玉手怕裁雙鳳破
并刀欲下更遲遲

理繡

元

楊維楨

揀得金針出象筒鴛鴦雙刺扇羅中却嗔昨夜狸奴惡
抓亂金牀五色絨

宮中詞

元張昱

延華閣下日如年
除是當番到御前
尋出塗金香墜子
安排衣線撚春綿

題月下裁衣圖

明陳繼

香幃風卷月團團
睡起裁衣思萬端
秋葉未紅金剪冷
玉門關外不勝寒

宮詞

明俞允文

一承恩澤入蓬萊
別賜輕紺稱體裁
剪得辟邪新繭子

金匱四庫全書

卷二百三十一

並房宮女鬪看來



御定佩文齋詠物詩選卷二百三十一